

Badische Landesbibliothek Karlsruhe

Digitale Sammlung der Badischen Landesbibliothek Karlsruhe

**Meditationum evangelicarum pars secunda, hoc est:
Solida, ad descendam & exercendam, ex evangeliis tam
dominicalibus quam festivalibus Christi & sui-ipsius
notitiam, informatio**

Creide, Hartmann

Francofurti ad Moenum, 1682

Exegesis

[urn:nbn:de:bsz:31-126164](#)

Exegetis.

Consuetudinis jam aliquot retrò seculis est, ut hodierno die frondes virentes in sylvis recisi, coram januis ponantur: qui mos procul dubio invaluit, quia hodie *primus dies Maii* ingruit, de quo Poëta canit:

Omnia nunc rident, nunc formosissimus annus.

Hoc ipso Christiani sibi in memoriam revocarunt, jucundissimam venustatem, quæ aliquando in vitâ æternâ futura est, ubi habebimus *perpetuum ver*, ut palma virescentes, germinantesq; in æternum, Psal. 92, v. 13.

Hæc spē solatur Christus Apostolos suos in p̄leēto Evangelio inquiens: Non turbetur cor vestrum &c.

Ad notitiam nostri perveniemus, si spe ctemus:

1. *Discipulorum timorem.* Quia enim Servator de passione & morte suâ discipulis prædicaverat, quomodo aliquis ex illis se proditurus, reliqui vero omnes se deserteri essent: maximâ hinc afficiebantur perturbatione, ut nescirent, quid respondere debeant. Id in ipsis animadvertisit Dominus, ideoque ne sine solatio relinqueret, ait: Non turbetur cor vestrum, creditis in Deum, & in me credite, q. d. quid m̄ore & solitudine vos maceratis nimij? an censem, quia jam in servi forma incedo, ut crucifigas & occidas, sicut in consilio SS. Triados decretum est, quasi non amplius adjuvare vos possim? Id minimè persuadeatis vobis. Sub hac enim servi formâ divina virtus latet: ideoque in morte non maneo, sed tertiâ die resurgam,

mortem in æternum absorpturus, Isa. 28. v. 8. hoc solatium vestrum esto, quo si vos refeceritis, facile omnem solitudinem ex animo profligare poteritis.

Hic unusquisque examinere, utrum tempore necessitatistali in Christum fiducia fuerit, qualem hic Christus a discipulis suis requirit?

Ea subinde deficit. Naturâ enim terrena sapimus, Phil. 3, v. 19. & plus externis mediis intenti sumus, quam ut in Deo confidamus, ejusq; omnipotentiae sapientiae, & veritati totam nostram misericordiam verâ fide unicè commendemus. Hinc e-jusmodi spes consistere nequit, sicut nec domus super arenam ædificata consistere potest, Matth. 7, v. 26.

Magnum adjumentum in rebus adversis est

1. *Amicorum turba.* Amicus enim & sodalis in tempore convenientiunt, Sir. 41, v. 23. & adhærebit magis quam frater, Prov. 18, v. 24. Sir. 6, v. 14. Verum in postremis hisce temporibus eo res rediit, ut non immeritò cum Aristotele exclaims: *O amici, nullus est amicus*, omnes enim consolatores onerosi sunt, Joh. 16, v. 2. qui tempore necessitatis adversabuntur tibi, & è facie tua abscondentur, Sir. 6, v. 12.

2. *Divitiarum copia*, qui enim his instrutus est, à mundo in magno honore habetur, Jac. 2, v. 2. humilis verò cum ceciderit, expelletur & à notis, Sir. 13, v. 25.

3. *Brachii secularis potentia*, sicut Haman hoc ipso efferebatur, quod apud Ahasverum in gratia erat, Esth. 5, v. 11.

Verum si rem rectè expendamus, non adeo in iis confidendum est. Divitiae enim spinis similes sunt, Lyc. 8, v. 14. Autrum

rum & argentum æruginant, Jac. 5. v. 3. filii viri sunt mendacium, Psal. 62. v. 10.

Qui vero Deo confidit, optimo sustentaculo fulcitur, nec exhorrescere debet mortem, Dominus enim est protector vita ejus, Psal. 27. v. 2. Non metuere debet diabolum, Christus enim caput ejus contrivit, Gen. 3. v. 15. ejusque opera dissolvit, I. Joh. 3. v. 8. Non mundum, major enim est, qui in te est, quam qui in mundo, I. Joh. 4. v. 4.

Veri proinde Christ. vocē a nobilē servatoris sui semper recordentur, nec nimium metuant, quando gentes fremunt, & populi meditantur inania, quando consistunt reges terrae & consultant simul adversus Dominum, & adversus Christum ejus, Psal. 2. v. 1. 2. qui enim in & nobiscum est, major est, quam qui in mundo, I. Joh. 4. v. 4. Dominus exercituum nomen ejus, Esa. 54. v. 5. & sicut erga se confidentes se probat ut Servatorem, in quo habent justitiam & robur, Esa. 45. v. 24. Ita ex adverso impii, qui Ecclesiam tuam odio & persecutione infestant experiuntur, quod Deus sit ultionum, Psal. 49. v. 1. qui potentiam facit in brachio suo, Luc. 1. v. 51. & confringit capita inimicorum suorum: verticem capilli perambulantium in delictis suis, Psal. 68. v. 22.

II. *Discipolorum errorem.* Semper in falsa illa opinione hærebant, Dominum & Magistrum suum regnum terrenum inchoatum, ideo valde absolum illis videtur, quod Dominus de abitu suo illis dicit. Domine, inquit Thomas, nescimus quo vadis, & quomodo possimus viam scire?

Arbitrantur illi, Dominum forte alii itineri se accingere, quod ipsos celaret, id-

eoque micerore perturbantur, veluti, quando parentis aliquis longum iter parat, iisdemque valedicit. Hoc quidem adeo vitio illis vertendum non est, interim tamen, subinde à Christo instructi nosse debuissent, qualis abitus esset, quem Christus machinabatur. Imprimis quia id ipsi paulo ante dilucide explicaverat hisce verbis: Ecce, ascendimus Hierosolymam, & consummabuntur omnia, Luc. 18. v. 31. Hic nullo Oedipo opus erat, & tamen Thomas ait: Nescimus quo vadis, & quomodo possimus viam scire?

Hic probate mi Christiane! utrum & ipse viam ad vitam aeternam studiose inquisiveris?

Hoc ipsa necessitas flagitat. Si quis iter facturus est, & nescit viam, facile aberrare, aut in extremum vitæ periculum adduci potest, ut aut à feris discerpatur, sicut Propheta ille, I. Reg. 13. v. 24. sive in latrones incidit, sicut homo ille, qui ab Hierusalem descendebat in Hiericho, Luc. 10. v. 30. Sed & nobis iter propositum est, scopus tendit ad celum; multa vero devia occurunt, quæ nobis diabolus, mundus & caro nostra ostendunt, ut facile deerrare possimus, idcirco accurata instructione opus est, ut regia via incidentes non declinemus, neque ad dextram neque ad sinistram, Esa. 30. v. 21.

De Hercule Poetæ fabulantur, eum in juventute in bivio constitutum, duas mulieres offendisse, quarum altera Virtus, altera Voluptas fuerit. Virtutem ipsum ad honestatem & res præclaras gerendas extimulasse, & promisisse hoc modo eum nominis celebritatem, honorem & gloriam consecuturum. Voluptatem eidem aliam

mon-

In festo die Philippi & Iacobi.

monstrasse viam, ut otio indulgeret, & in delitius vitam transigeret. Ad hæc Herculem diu animi incerti fuisse, utri calculum adjiceret. Tandem tamen constituisse secum, quod spretâ voluptate virtutis operam dare vellet: Hinc ipsum omni studio ad virtutem contendisse, nomenque suum adeò immortalitatem commendasse.

Quod Herculi hac in parte contigit, nobis quoque quotidie accidit. Caro enim & spiritus sibi invicem adversantur, Gal. 5. v. 17. & volentibus nobis facere bonum, malum adjacet, Rom. 7. v. 21. Verum hic finem intueri, & eam viam eligere tenemur, unde gloriam & honorem consequi possimus. Si enim secundum carnem vixeritis morimini, si autem spiritu facta carnis mortificaveritis, vivetis, Rom. 8. vers. 13.

Rome duo templo conjuncta erant, alterum dicebatur Templum honoris, alterum Templum virtutis. Qui in Templum honoris ire volebat, per nullam aliam viam, quam per templum Virtutis ingredi poterat.

Quodsi aliquando faciem Dei intueri, Deoque in templo ejus die ac nocte servire vultis, Apoc. 7. v. 10. hic in tempore gratiae templum Virtutis sedulò frequenter, verbum Dei cum voluptate audiat, & ut lux vestra coram hominibus luceat oportet, Matth. 5. vers. 16. nec molestum videri debet, si via hæc cum labore calcanda: sed potius memineritis, vobis donatum esse pro Christo, ut non solùm in eum credatis: sed ut etiam pro illo patiamini, Phil. 1. v. 29. Ipse enim Servator, per hanc tribulationis viam incedens, per passionem & mortem intravit

in gloriam suam, Luc. 24. v. 26. Ad hoc quilibet in tempore se præparet necesse est, & quando Diabolus ei ostendit viam meretricis, Proverb. 7. v. 25. vel aliam jucundam viam, Sap. 2. v. 7. minus se seduci patiatur, sed magis eligit affligi propter Christum, quam temporalem peccati habere jucunditatem, intuitu ditissima remunerationis aliquando securata, Hebr. 11. v. 26. Qui enim venerunt de tribulatione magna, & laverunt stolas suas, & dealbaverunt eas in sanguine agni, Apoc. 7. v. 14. hi promissionem habent, quod ambulare debeat demùm coram Domino, in regione vivorum, Psal. 116. v. 9.

III. *Discipulorum torporem.* Ubi enim Christus dicit: Si cognovissetis me, & patrem meum utique cognovissetis, respondebit ei Philippus: Domine, ostende nobis patrem, & sufficit nobis. Dicit ei Jesus: Tanto tempore vobis sum, & non cognovisti me.

Si Servator hic ex rigore procedere voluisset, Philippus sanè insignem objurgationem promeritus fuerat. Per quadriennium enim fere scholam Christi frequenterat, & non minus ac Petrus verba vitae ex ore ejus audierat, Joh. 5. v. 68. ideoque in laude positum fuisset, si Christum filium Dei vivi, velut Petrus confessus esset, Matth. 16. v. 16. Verum hujus altum est silentium: potius imbecillitatem suam prodit, dum Deum patrem in hac vita videare gestit, putans si hoc impetrare posset, si bi hoc sufficeret. Cum tamen beatitudo nostra in hoc non versetur, impossibile enim est, ut mortalis Deum in hac vita videat, quin moriatur, Exod. 33. v. 20. sed per Christum, & in Christo habemus vitam & abundan-

undantiam, Joh. 6.v.10. quippe qui unus est mediator Dei & hominum, 1. Tim. 2. v.5. & qui filium videt & credit in eum, habet vitam aeternam. Joh. 6.v.40.

*In examen hie te voca, mi Christiane! n-
trum & ipse in noticie Dei, & filii ejus Iesu
Christi talis hospes sis: & si fidei ratio tibi red-
denda fore, amon majorem inscitiam pro-
deres, quam Philippus?*

Sane si experientiam consulimus, depre-
hendimus, plurimos esse, sicut equus &
mulus, quibus non est intellectus, Psal. 32.
v.9. Ut hic locum habeat querela Esaia: Vi-
des multa neque observas? Esa. 42.v.9.

Omnis nos utimur S. Eucharistiâ, ad
quam digna præparatio requiritur, ut di-
judicemus corpus Domini, 1. Cor. 11.v.29.
Quot verò occurunt, quizoc discrimen
nesciunt, & ex cœcâ devotione, vel rectius,
perversâ consuetudine communicant?

Talibus occinendum est illud Pauli: Non
est bona gloriatio vestra, 1. Cor. 5.v.6. lau-
dem vos? in hoc non laudo, 1. Cor. 11.v.21.
In cognitione enim Dei & filii ejus Iesu
Christi vita aeterna consistit. Joh. 17.v.3.

Fugiamus igitur hunc torporem, & tem-
plum frequentaturiafferamus:

1. *Cor Davidis*, cuius summa voluptas
fuit, ut inhabitaret in domo Domini, & vi-
sitaret templum ejus, Psal. 27.v.4. Tantâ
voluptate, & letitiae nos quoque ædem Do-
mini frequentare debemus. Nonne cor no-
strum ardens erat in nobis, dum loquere-
tur nobis in via, & aperiret nobis scriptu-
ras? dicebant Emauntici, Luc. 14.v.32.
Idem adhuc hodie Servator operatur in
omnibus concionibus, non quidem in per-
sonâ propriâ, sed per ministros suos, qui
vos audit, me audit, Luc. 10.v.16. Propter-
ea nostrum quoque cor ardeat, quando

dicta consolationis plenissima audimus,
desiderabilia super aurum obryzum: &
delciora super mel & favum, Psalm. 19.
vers. 11.

2. *Cor Samuelis*, qui cum attentione
verba Domini accipiebat, dicens: loquere
Domine, servus tuus attendit, 1. Sam. 3.v.9.
Sic & nos cum devotione debitâ verbum
Dei audiamus. Custodi pedem tuum, in-
grediens dominum Dei, Eccles. 4.v.17. Joh.
8. vers. 47.

3. *Cor Mariae virginis*. Quemadmo-
dum enim de B. Mariâ Lucas memorat:
Conservabat omnia verba hæc in corde
suo, Luc. 2.v.51. ita hoc similiter ad o-
mnes genuinos Christianos pertinet. Secus
enim fine emolumento templum frequen-
tabunt & conciones audient, Beati, qui au-
diunt verbum Dei, & custodiunt illud, Luc.
11. vers. 28.

Si quis bonum thesaurum habet, illum
studiosè custodit, ne à furibus aut prædo-
nibus afferatur: sed & cō laborat, ut colu-
cretur, & commodum sibi comparet. The-
saurus enim invisus, quam utilitatem con-
fert? Sir. 20.v.32. Hoc ipsum à quovis ve-
ro Christiano fieri debet, ut non modò læ-
tetur super eloquia Dei, si illa in tempore
percipere quæcat, sicut qui invenit spolia
multa, Psal. 119.v.162. sed & audita pro-
bè custodiat, ne infernalis vultur veniat,
& rapiat, quod seminatum est in corde e-
jus, Matth. 13.v.19.

Hoc modo ab ignorantia ejusmodi li-
berari possumus. Qui enim querit legem,
replebitur ab ea, Sir. 32.v.19. Interca in
fide infirmos non condemnemus, si modò
ignorantia affectata absit, & congregentur in domum disciplinae, & suscipiant
eam, Sir. 51.v.31-34. Quemadmodum nec
Chri-

Uuu



In festo die Philippi & Iacobi.

Christus Apostolos rejecit, sed ruditatem
æquo animo tuli. Sicut enim Sol procedit
& crescit, usque ad diem perfectam, Prov.
4.v.18. Parimodo & nos imperfectione
laboramus, nec ad perfectionem pertinere
hic valemus: ubi vero in vitam æternam
perveniemus, veniet quod perfectum
est, & evacuabitur, quod ex parte est, 1.
Cor. 13. v. 10. ut patrem visuri simus, nec
modò visuri, sed & societatem habituri,
cum patre & filio, 1.Joh. 1.v.3.

De Secundo.

Pergeimus nunc ad alteram partem,
χριστογεννα, sive notitiam Christi
meditaturi. Hic nobis proponitur in præ-
fente Evangelio:

I. *Tanquam Domicilii cœlestis prepara-
tor.* In domo enim patris mei, inquit Christus,
mansiones multæ sunt: Si quò minus,
dixissem vobis, quia vado parare vobis
locum. Et si abiero & præparavero vobis
locum, iterum venio &c.

In hoc tempore sumus alienigenæ, non
habentes civitatem permanentem, Heb. 13.
v. 14. Verum per abitum suum ad patrem
nobis Christus mansionem paravit, ut jam
sciamus, ubi diverti & in aeternum manere
possimus, nempe in domo patris cœlestis,
h. e. in vitâ æternâ, quam Deus datus
est his, qui fidem suam nunquam mutant
ab eo, Tob. 2 v.18. Eo igitur unicè inten-
ti, quæ retro sunt obliviscamur, ad ea vero
quæ priora sunt, extendamus nos, Phil.
3. v. 14.

Patria est, ubiunque est bene, Cicero di-
cere solitus est: hoc ita posito, facilè con-
jicere poterimus, in hoc mundo patriam
nostram non esse, sed in alterâ demum &
depto Litteri p[ro]p[ter]a p[ro]p[ter]a d[omi]ni q[ui] p[ro]p[ter]a Valerii p[ro]p[ter]a ip[s]i[m] p[ro]p[ter]a edic[er]ta
li, se ipso p[ro]p[ter]a terrâ mariq[ue], ubi i. h[ab]et manere velle? respondebit: nulli sibi
celo, aut in caelo.

sempiternâ vitâ: ibi enim bene nobis erit, ut
cum Petro dicere possimus: Domine hic
bonum est habitare, Matth. 17. v. 4. *Esse no-
strum, non habebit mortem, Nolle nostrum
non habebit errorem, Amare nostrum non
habebit offensionem*, ut Augustinus ait. Ibi
optimè habitabimus, proprie rem, quæ erit
summum bonum, nam nullus est bonus,
nisi Deus unus, Matth. 19. v. 17. propter
modum, non enim amplius Deum per specu-
lum in ænigmate, sed a facie ad faciem vi-
deimus, 1. Cor. 13. v. 12. propter durationem:
hæc enim gloria non unum & alterum
diem, sed in æternum durabit. Ibunt namq[ue]
justi in vitam æternam, Matth. 25. v. ult. pro-
pter societatem, Heb. 12. v. 22. Quis igitur
ibi habitare non desideraret, cum Paulo di-
cens: θηριοις ἔχει: Phil. 1. v. 22. Psalm.
65. v. 5.

In patientia proinde animas nostras cu-
stodiamus, si adversa nobis obveniant, in
hoc mundo, cum B. Luth. rodicentes: *Si
terrano[n]o[n] capi, cælum capier.* Ibi com-
plebuntur dies luctus nostri, Esa. 60. v. 20.
nec movebimus vehementer, Psal. 62. v. 3.
Quin nec mors sedibus hisce nos ejicere
poterit, quin potius ad eas nos promovet,
Beati mortui, qui in Domino moriuntur,
Apoc. 14. v. 13.

Si quis diu in peregrinatione vitam de-
git, latatur, si redux patriam suam revisat,
& licet patibulum multis cadaveribus, &
mortuorum reliquiis coronatum videat,
non tamen exhorrescit, sed gaudio potius
perfunditur, quod iter huc usque absolu-
verit, nec dubitat, quin jam per portam in-
troire & optata quiete frui velit. Parimodo,
quando pius Christianus mortem subire
debet, non ideo dolore perturbetur,
sed potius lætitia exultet, quod redemptio

